

Iskustvo Nicole Pendić o programu razmjene mladih boravkom u porodicama



Zovem se Nicole Pendić, rođena sam 09.08.1994 u Tuzli, gdje sam završila i svoje srednjoškolsko obrazovanje. Budući da sam imala namjeru nastaviti svoje školovanje, počela sam se raspitivati za mogućnosti studiranja izvan BiH. Saznala sam da bih preko mog talijanskog porijekla, tačnije, iz provincije Trentino mogla dobiti stipendiju uz uslov da položim B1 nivo talijanskog jezika i da imam završenu srednju školu sa relativno dobrim ocjenama.

Budući da talijanski nisam znala, odlučila sam se prijaviti za razmjenu studenata gdje sam imala priliku bolje upoznati mjesto i raspitati se iz prve ruke za sve one stvari koje su me zanimale. U julu 2013. sam provela 3 prelijepa sedmice kod jedne talijanske porodice sa troje djece, od kojih je jedna bila i moja vršnjakinja i bila je zadužena za mene.

Svi troškovi smještaja i hrane bili su plaćeni od strane provincije i porodice kod koje sam boravila. Put je bio 60% pokriven. U ovom razdoblju sam stekla mnogo poznanstva i upoznala omladinu iz cijelog svijeta koja je imala porijeklo iz spomenute provincije, tačnije bilo nas je 21 i bili smo ugošćeni od strane 21 porodice iz čitavog Trentina. Polovinu našeg vremena smo imali razne aktivnosti i obilazili smo dosta Trento i sva okolna mjesta, a drugu polovinu smo se sastajali međusobno i razmjenjivali naša iskustva. Tijekom ove 3 sedmice otišla sam i u ured koji je bio zadužen za EVS (europski volonterski program) i Au Pair program (babysitting). Mene lično je zanimao ovaj drugi jer sam planirala živjeti sa nekom talijanskom porodicom i na taj način naučiti talijanski jezik. Imala sam sreću jer su mi u uredu rekli da je do njih samo nekoliko dana prije mog dolaska svratila jedna porodica sa troje djece i majkom tražeći nekoga tko bi im pomogao sa djecom i pripomogao u kućanskim poslovima. Već idući dan smo se opet sastali i rekli su mi da će mi e-mailom javiti da li sam definitivno prihvaćena od strane te porodice. Nakon mog povratka u Tuzlu, krajem jula su mi javili da bi bili sretni imati me sa sobom godinu dana i već u septembru sam se definitivno preselila u Padergnone, malo mjesto udaljeno 15 km od Trenta.

Moja dužnost je bila pratiti djecu u školu sa busem i po potrebi i otići po njih. Kućanske poslove sam obavljala zajedno sa njihovom mamom i pomagala djeci sa zadaćom kada sam stekla poprilično dobar nivo jezika. Bili su jako strpljivi sa mnom na samome početku, te budući da nisu znali nijedan drugi jezik osim svog maternjeg prva 2 mjeseca smo koristili mnogo govore tijela da bi objasnili jedni drugima ono što smo mislili. Početak je bio težak ali i zabavan, i s vremenom su oni postali moja druga porodica sa kojom sam i dan danas u kontaktu i koji su uvijek spremni da mi pomognu. Nakon prelijepa godine provedene s njima upisala sam se na fakultet (prevodeći moju diplomu srednje škole, polažući test talijanskog i radeći prijemni ispit) i preselila u Trento, u studentski dom koji broji više od 800 studenata

sa svih kontinenata. Sada sam na trećoj godini ekonomije i planiram upisati i master. Nicole Pendić je na slici u sredini, sa pletenicama, u društvu studenata u Trentu.

Udruženje „Rino Zandonai“ realizuje projekat „Otkud Italijani u Bosni i Hercegovini“

Cilj projekta je promocija djelovanja italijanske nacionalne manjine u BiH, sa fokusom na aktivnosti u Tuzli. Projekat finansira Ministarstvo za ljudska prava i izbjeglice BiH u iznosu od 9180 KM, za period od 5 mjeseci. U okviru projekta predviđen je set aktivnosti koji obuhvata organizaciju izložbi u Tuzli i Banja Luci, okrugli sto i okupljanje u Tuzli, izrada publikacije o Italijanima u Tuzli i medijski nastupi. Ugovor o realizaciji projekta je potpisan, a očekivani početak realizacije projekta je januar 2017. godine.

Zainteresovani članovi udruženja za učešće u projektu mogu se javiti Tihomiru Knežičeku ili Željki Mottu. Pozivamo članove udruženja da pripreme materijale o svojim obiteljima ako žele da isti budu obuhvaćeni ovim projektom. Materijali koji sadrže informacije o obitelji moraju biti pripremljeni i dizajnirani za štampu.

EZA-UNAIE SASTANAK 14-16 OKTOBAR 2016

Kao i prethodne godine, Trentini nel modno organizuje sastanak EZA - UNAIE – ATnM “Etica, politica e migrazioni” 14-16 ottobre 2016.

Zainteresovani za učešće na sastanku treba da popune prijavni obrazac i dostave udruženju Rino Zandonai Tuzla najdalje do 25.9.2016. godine. Ovdje možete pogledati [Informacije i prijavni obrazac](#).

POČETAK AKCIJE SOLIDARNOSTI 2016.

Trentini nel mondo, kao i prethodnih godina, dostavio je spisak članova Trentini kluba Tuzla koji ostvaruju pravo na jednokratnu socijalnu pomoć. Na listi kandidata je 18 članova, od kojih jedna članica - Mott Lovreta nije među živima. Pozivamo članove udruženja trantinskog porijekla koji smatraju da imaju potrebe i uslova za prijem pomoći za 2016. godinu da se prijave Predsjedniku udruženja, a socijalni radnik će u dogovoru sa svim kandidatima obići članove i prikupiti potrebnu dokumentaciju.

Članovi koji su primili pomoć 2015. godine

7 6	Ivković Lijiljana	13/04 /1952	F	via H. Rudara 12, Tuzla (Tuzla)
9 7	Montibeler Josip	16/05 /1942	M	via M. Busatlije 12, Tuzla (Tuzla)

1 1 3	Segat Zdenko	18/03 /1945	M	via T. Ravnjaka 33, Tuzla (Tuzla)
1 1 4	Mott Senkas Renata	31/10 /1951	F	via Stupine 8/41-21, Tuzla (Tuzla)
1 2 6	Bancher Vasilj Lucija	13/12 /1941	F	via Titova 199/IX-23, Tuzla (Tuzla)
1 2 8	Zamboni Anton	31/01 /1931	M	via Universitetska 3/16, Tuzla (Tuzla)
1 3 0	Zamboni Vlado	15/04 /1940	M	via Bukinjska 46, Tuzla (Tuzla)
4 4 2	Segat Valerija	24/05 /1947	F	via Hrvatske Brigade 7, Tuzla (Tuzla)
1 5 1 0	Ivankovic Hedviga	25/11 /1934	F	via Sabana Zahirovica 4, Tuzla (Tuzla)
5 7	Mott Brđanović Miroslav	19/10 /1941	M	via Sabana Zahirovica 2/VII- 66, Tuzla (Tuzla)
7 9	Zamboni Jurišević Miroslav	24/11 /1946	F	via 21 April 64 Sicki Brod, Tuzla (Tuzla)

7 2	Menegoni Hodžić Fadila	20/04 /1952	F	via Osmana Vredica 14/8, Tuzla (Tuzla)
8 1	Segat Karamović Damir	20/12 /1994	M	via V. Nazora 6, Tuzla (Tuzla)
8 8	Mott Lovreta Nedeljka	20/06 /1959	F	via J. Santora 9, Tuzla (Tuzla) UMRLA
1 3 1	Zamboni Zvonko	26/01 /1957	M	via I. Mujezinovica , Tuzla (Tuzla)
1 5 0 8	Bradvičić Vlasta	03/05 /1955	F	via Krizani 56, Tuzla (Tuzla)
6 1	Daldon Ivan	24/12 /1990	M	via Simin Han 58, Tuzla (Tuzla)
6 2	Daldon Boner Zorka	18/02 /1933	F	via Simin Han 58, Tuzla (Tuzla)

ODRŽAN DAN ITALIJANSKE KUHINJE U TUZLI 2016.



Manifestacija „Dan italijanske kuhinje u Tuzli 2016.“ je uspješno održana u subotu 3.9.2016. godine. Manifestacija je počela u 19.00 sati, završila u 20.23, a nakon manifestacije članovi udruženja su nastavili druženje u obližnjoj konobi. Manifestacija je održana na otvorenom, u centru grada, ispred kina Centar gdje se i ranije održavala. Manifestaciju su realizovale 11 članica udruženja, uz asistenciju mlađih članova koji su takođe posluživali hranu, ali i drugih članova Udruženja.

U fazi pripreme su obavljani sastanci sa članicama na kojima je dogovoreno šta će koja članica da pripremi od jela, i dogovor je ispoštovan u potpunosti. Obzirom da je ova manifestacija sedmi put organizovana, članice domaćice su već iskusne u organizaciji cjelokupnog procesa. Novčanu podršku udruženju - Klubu Trentina u iznosu od 650 EUR pružila je italijanska organizacija Trentini nel mondo iz Trenta, a Grad Tuzla je podržao manifestaciju sa 500 KM kao dio programa šire manifestacije „Ljeto u Tuzli 2016“. Za realizaciju manifestacije obezbijedena je donacija u mesu od MENPROM Gornja Tuzla koji podržava manifestaciju od početka tj. od 2010. godine.

Članice udruženja su pripremile različita jela, tako da se na stolovima našlo preko 30 različitih vrsta slanih i slatkih jela koja su tradicionalno italijanska jela. Pripremljeno je oko 400 porcija ili pojedinačnih jela, a uz jela služilo se bijelo i crno vino i osvježjenje. Procjenjuje se da je hranu i piće konzumiralo više od 350 građana Tuzla. Tokom manifestacije slušana je italijanska muzika preko razglasa koji je organizovan u vlastitoj režiji.

Manifestacija je i medijski praćena, tako da su se emitovali prilozima na RTV 7 i RTV SLONU na temu manifestacije Ljeto u Tuzli - Dan italijanske kuhinje u Tuzli. Članica udruženja - jedna od domaćica koja je pripremala hranu, Segat Gordana, bila je gost u živom programu RTV Slon u emisiji Šećernica, koja se emitovala još u vrijeme dok je trajala manifestacija Dana italijanske kuhinje.

Veliki broj fotografija sa manifestacije objavljen je na facebook stranici tuzlanskih trentina <https://www.facebook.com/groups/388079914564541/> .




RETROSPEKTIVNA IZLOŽBA SLIKA NADE DOBNIK



Članica udruženja Nada Dobnik organizovala je retrospektivnu samostalnu izložbu koja je otvorena u BKC Tuzla od 31.8.-14.0.2016. godine.

Nada Dobnik je rođena 24.10.1942. godine u Tuzli i cijeli životni vijek provela u Tuzli radeći kao prosvjetni radnik i likovni umjetnik. Imala je 11 samostalnih izložbi u učestvovala je na više od 90 kolektivnih izložbi.

Nada Dobnik nije bila prisutna na otvaranju izložbe jer je u bolnici Gradina na rehabilitaciji od povreda nastalih u saobraćajnoj nezgodi koja se desila samo sedam dana prije otvaranja izložbe.



Dan italijanske kuhinje u Tuzli 3.9.2016.


Udruženje građana italijanskog porijekla "Rino Zandonai" Tuzla po sedmi put organizuje Dan italijanske kuhinje u Tuzli 2016. Dan italijanske kuhinje je događaj na kojem se građanima Tuzle nudi degustacija tradicionalnih italijanskih jela, kao i pića. Događaj je planiran za 3.9.2014. (subota) od 19.00 u centru grada, ispred bivšeg kina Centar. Ovo je sedmi put da se organizuje ovaj događaj, a svi raniji nastupi su ostavili značajan utisak na veliki broj građana koji su imali priliku da probaju italijanska jela koja su pripremile 16 domaćica koje su članovi Udruženja. Ove godine je planirano da se zadrži isti koncept, tako da će na pripremi hrane raditi iste domaćice.

Manifestaciju su podržali Trentini nel mondo sa 1.300 KM, Grad Tuzla sa 500 KM, Mensur Alić i mesna industrija MENPROM je obezbijedila donaciju u mesnim proizvodima u vrijednosti 200 KM. Mensur Alić, humanista i poduzetnik, podržava manifestaciju Dan italijanske kuhinje u Tuzli od 2010. godine kad je prvi put organizovana manifestacija. Hvala Mensuru.



Instituto Europeo Firenca nudi obuku za pripremu italijanske hrane i učenje italijanskog jezika





Instituto Europeo u Firenci ima zanimljive ponude u oblasti obrazovanja za mlade - pogledajte <https://www.istitutoeuropeo.it/>. Pored kurseva italijanskog jezika, u augustu 2016. godine objavili su poziv za obuku u pripremi italijanske hrane u Toscani od aprila do decembra 2017. godine. Detalji i cijene kursa su na stranici <https://www.istitutoeuropeo.it/iste/prices/>.

Narodna i univerzitetska biblioteka Derviš Sušić Tuzla donirala 68 knjiga udruženju UGIP Rino Zandonai Tuzla



Tihomir Knežiček je 22 Juli 2016 posjetio Narodnu i univerzitetsku biblioteku Derviš Sušić Tuzla, gdje se susreo sa direktorom dr. sc. Edinom Jahićem kako bi preuzeo donaciju namijenjenu Udruženju građana italijanskog porijekla.

Riječ je o kontinuitetu dugogodišnje saradnje zasnovane još prije nekoliko godina, kada je Biblioteka darovala preko hiljadu i dvjesto naslova na italijanskom jeziku.

Radi se o knjigama na italijanskom jeziku različitih sadržaja iz oblasti književnosti, historije, kulturne historije, umjetnosti i arhitekture. Ovo je itekako korisna i vrijedna donacija od strane Biblioteke, a literatura može poslužiti za stručno usavršavanje studenata i stručnjaka u oblasti književnosti, kulture i arhitekture.

Tihomir Knežiček u emisiji „Hod vijekova“ RTV TK



Novinarka Radio televizije Tuzlanskog kantona Azra Gegić Kahrović je priredila emisiju o kulturnim i tradicionalnim vrijednostima groblja Borić, u kojoj je učestvovao Tihomir Knežiček. Emisija je snimana u okviru serijala Hod vijekova i emitovana u četvrtak 7.4.2016. godine.

Tema emisije je stanje spomeničke kulture na groblju Borić, ugroženost groblja klizištem kao i prikaz spomenika koje su radili Italijani u Tuzli.



U emisiji je i izjava gradskog službenika o aktivnostima koje je Grad Tuzla realizovao u proteklom periodu da bi se groblje zaštitilo, ali i konstatuje da za 2016. godinu nema sredstava za sanaciju groblja.

Snimak emisije koji se odnosi na groblje Borić možete pogledati [OVDJE](#).

Sastanak europskih klubova Trentina 3-5. juni 2016 u Charleroi, Belgija



Trentini nel mondo organizuje redovni sastanak europskih klubova Trentini koji će se održati 3-5. juna 2016. godine u mjestu Charleroi u Belgiji.

Zainteresovani Trentinjani mogu se prijaviti za odlazak, a poziv sa uslovima učešća je [OVDJE](#).

Trentini nel mondo podržali Dan italijanske kuhinje u Tuzli 2016. sa 650 EUR

U okviru redovnog godišnjeg finansiranja aktivnosti udruženja UGIP Rino Zandonai i Kluba Trentina, matično udruženje Trentini nel mondo je 14.3.2016. godine odobrilo 650 EUR za troškove manifestacije „Dan italijanske kuhinje u Tuzli 2016“. Odluku o iznosu sredstava je [OVDJE](#).

AMBASADA ITALIJE SARAJEVO TRAŽI INFORMACIJE O UDRUŽENJU

Ambasada Italije već drugu godinu uzastopno traži informacije od tuzlanskog udruženja Italijana „Rino Zandonai“ o stanju udruženja u pogledu administrativnih podataka i podataka o broju članova. Ove godine je Svjetlana Kakeš pomogla da se jezički uobličila informacija, i ista je poslata nazad u ambasadu. Podaci koji su dostavljeni ambasadi možete pogledati [QVDJE](#). Ambasada je tokom prošle godine, kao i prethodne, obezbijedila novčanu podršku za dva člana udruženja i jednu Italijanku koja nije član udruženja.

U dosadašnjem periodu, ambasada Italije u Sarajevu nije niti jednom podržala rad udruženja na bilo koji način, iako je to traženo prilikom organizacije Dana italijanske kuhinje, i drugih manifestacije koje udruženje organizuje.